

Er soll sich selber vorleuchnen vnd seyn Creutz auff sich fassen. Welcher sich meynes schemet/ vnd meynes reden/ des wil ich mich schemen. O wie hart ist das/ d natur. Die natur wolt sich selber gern meynen/ vnd schemet sich naturlich gottis eer/ daruß saget Christus/ er muß sich selber vorleuchnen. i. er muß sich schemen/ vnd mich suchen vnd loben/ dan so eyner in wercken/ oder leyden seyn aygen eer suchet/ so suchet er aygen nutz/ vnd vorlaßset sich mit allenthalbē. Du mußt ye/ dich in deinē creutz mit bekennen/ sondern allein gott durch Christū. Du mußt dich vor meynē/ mit berümen. Da die Aposteln freuden/ sich vō wegen des namē Christi zu leyden/ doch straffet sich Paulus/ do er zu west in der glorien seynes leydens haßte sprechende. Ich byn vnweyß gewesen/ das ich zu vil frolich gewesen byn/ vnd zu vil in leyden gloriert hab. ¶ Es muß/ mir alle creatur/ sie sey süß oder sawr/ herb oder milt/ auß meynen augen gezogen sein. ¶ Ich darff mir auch selber nit in den augen steen/ sondern allein Christus/ d sol mir voss meynen gedancken vnd augen schweben vnd auff yhn soll ich steen/ sonst auff nichts anders.

Nu die weyl ich alle werck/ meyn leyden vnd todt/ ya mich selbst vorleuchnen/ vnd mich mir froem machen soll. Sol sich weder mutter noch freund/ wider Babst noch Babsts mutter vndersteen/ das ich/ yn oder sie/ vor augen habe/ vnd das wort gottis gelaße. Eher wil ich zangen/ reder/ vnd den aller grauwampsten todt erleyden. Christus vnser her/ hatt clerlich außgedruckt/ wie die gelaßenheit sein soll. Er saget. Welcher sein seel nit haßet/ der kan nicht meyn iunger geseyn. Ich sol ein hertten/ ernstlichen/ vnd gestrengen haß/ vnd neyd widder mich selbst haben/ wan ich die stüm meynes herzen erhör vnd merck doch das mich meyn seel abhelt vñ vorhyndert. Meyn liebe seel/ vnd lieber leyß/ ob yhr wol/ vngern sterbent/ vnd wollent/ das ich dem wort gottis nit nachfolget. Danno ch wil ich Christo trostlich nach gehē yn den todt/ Die weyl ich zuyor weyß/ das yhr beyde/ mit mir eyn kampff haben/ vnd ich enich haßen sol/ Dan ich wayß/ wan ich mir selber nit schadē zu fuget/ der teuffell vnd seyn Babst vormügten mir nicht schaden/ Wan yhr/ du fleysch vnd blut/ du alder Adā gern sturbet/ was wurt oder konde mich der todt bekummern.

Luce. 9.

Qui erubue-
rit sermones
meos.

Wie wol sich

Lu. 9.

2. Cor. 12.

Lu. 14.